


適園叢書

張宗祥



通國書

楊士修



191816

適園
林取書

適園叢書序

叢書之名所自始韓昌黎詩云門以兩版叢書其閒卽叢積之義而唐陸天隨自名其詩文曰笠澤叢書猶是一家之言而以不倫不次亦卽叢積之義也至唐朱人始合各家書而摘要刻之曰馬總意林曰曾慥類說曰紺珠集曰說郛曰說海皆任意刪減也後又取各家書以類相從而別署美名曰儒學警悟曰百川學海曰夷門廣牘曰藏說小萃曰津逮秘書曰學津討原則首尾完整也前明程榮刻漢魏六朝著作始以叢書名之由是諸家疊起曰唐宋叢書曰格致叢書最後以齋堂名直曰某氏叢書而已單簡零帙最易消磨有力者彙聚而傳刻之昔人曾以拾叢豕之白骨收路棄之嬰

兒爲比則叢書之爲功大矣適園主人以名孝廉生吳興山水之區熟聞鄉先輩魚計亭眠琴山館芳椒堂之風手聚舊刻名鈔卷以數萬計擇罕見而可傳者付諸削氏以永其傳以嘉惠於斯世又以

荃孫

麤知目錄校讐之學交以監造時

及兩載成此十有六種分爲四集先以問世嗟乎自新學日行舊學日落焚坑之禍寓於無形而世之守舊學讀古籍者曾有幾人況石印鉛字羣趨若鶩剗之匠往往改業石銘負填海之心抱障川之力招金陵書局之舊人而與之更始擇本必善選工必精原書跋語雖無關宏旨者不敢輕削其閒流移授受之原委與夫反覆訂證之苦心皆爲表微綴之簡末王船山人所謂國統絕而道統不與之俱絕者其在斯

乎其在斯乎至盧抱經先生曾云或真僞不分或雅俗莫辨
或刪削而非完善或脫誤而鮮校讐四者之弊校讐最難精
審

荃孫

心力目力已遜少時然有漏落而無臆改則差可自

信若前三項之弊則似不至此當與石銘共勉之歲在闕逢
攝提格十二月立春前一日江陰繆荃孫序於海上之聯珠
樓

適園叢書序

我朝同光以來兵氣早銷文學復盛海內稱藏書大家曰常熟瞿氏曰聊城楊氏曰錢塘丁氏曰歸安陸氏寰宇止四家而吾浙有其二焉無何丁氏陸氏散佚相仍浙水吳山閭然無色幸吾湖張君石銘投袂而起廣收圖籍超越時流卓然名滿天下所藏之富不減丁陸又不自私擇罕見之書付諸梨棗嘉惠海內後學其意深矣吾浙藏書首數甬上范氏有天一閣二十奇書之刻錢塘汪氏有振綺堂叢書之刻丁氏有往哲遺書之刻陸氏有十萬卷樓叢書之刻藏書家必刻書已有成例不朽之業託於名山石銘於此規撫前哲先出四十八冊以爲嚆矢不分門類以所得爲先後遵知不足齋

舊例也其中如內閣千頃堂兩書目敬鄉錄魯春秋羣雄事
略自來無有刻本文館詞林則從各處薈萃之百宋一廬書
錄漢石經考異皆槁本至月隱先生遺集魏書地形志集釋
雖有刻本久未得見昔鮑以文序其叢書有云後有好者亦
復踵而行之庶幾古人之精神聚而不散豈不快哉石銘之
志遠紹以文而力又足以及之弁山雪水之間別樹一幟庶
可以復吾浙之聲譽矣

祖謀

亦嗜刻書囿於詞學之一種不

賢識小且自喜宗旨之不背也遂不辭而爲之序歸安朱祖

謀

適園叢書序

客有問予叢書所自昉者予應之曰叢書尙矣勒石之世已有叢書鐫木之始最先刻者亦叢書也客聞言而驚曰子之言滑稽與予曰否否待吾言之予知古人之治經乎人專一經經有專師經與經各自爲書也及漢季立石鴻都門乃會諸經合刊之厥後而魏而唐十二經備焉釋氏經論初亦各自爲書也隋僧靜琬聚諸經論勒石房山至遼始盡一藏其石至今尙存鴻都石經房山佛藏謂之非叢書得乎哉是勒石之世已有叢書之明證也墨板初興蜀中毋氏刊九經於前後唐長興雕五經於後宋開寶中敕蜀中雕大藏後以經板賜顯聖寺予在海東尙見其佛本行集經殘卷此非鐫木

之始最先刻者爲叢書之明證乎顧叢書之初皆就同類之書合刊之厥後其例彌廣至百川學海乃分甲至癸十集集各一類此最先之變例也又後有就一郡邑之人著述而合刊之者有取精校及罕見之本而刊之者有輯古佚書刊之者有就一人之作刊之者其例愈繁遂臻今日之盛其叢書中尤宏大者莫過於我朝之四庫全書合四部之書而爲一蓋古今中外莫之與京也然卒以編帙宏富故雖當全盛之世亦不克刊行則美尤有憾矣故叢書之博大者卒推釋氏大藏以有宋一代言之大藏凡四刊一刊於蜀一刊於吾浙再刊於閩其願力之宏吾儒莫與競明之末季曹始能先生擬刊儒藏而卒不果予往者在京師亦嘗議刊經苑矣

擬專收經部之書分爲六類一曰羣經取歷代石經墨本之
僅存者及雕板以前古寫卷子本雖殘帙亦刊之並刊宋槧
本二曰經注取諸經單疏之存者及宋官私所刊與十行本
之初印無補板者刊之三曰經說取諸家說經之書若徐氏
通志堂經解錢氏之經苑國朝兩經解斟酌損益而刊之
四曰詁訓文物小學校勘取古昔說文字之書及爾雅方言
廣雅釋名及禮樂車服宮室天象地形諸名物圖及校勘諸
經各書刊之五曰目錄取諸史志所載經部書目宋人崇文
等目之屬經部者及經義考小學考四庫總目經部提要
及存目合刊之又編輯海內藏書家諸目將諸經之善本合
爲一編刊之六曰傳記取通經傳經諸表及諸史儒林傳及

國朝通經諸家傳志合刊之如斯編輯萬卷可盡刊刻之
期計以十載剗劂之費得好古而有力者十人任之更得通
雅之士十人任編校之役則茲事舉矣此書既成其盛德大
業將與天地同不朽豈弟跨越釋氏之藏而已哉客瞿然興
起曰子之言當矣其如費巨而期久何予曰房山之藏縣歷
數代宋藏四刊卷且數萬釋氏所能吾人寧獨不能在有堅
貞不移之志已耳客曰敬聞命矣其如世無具此志與力者
何予曰有之吾鄉張石銘觀察者吾所知之一人也張君固
嘗刊適園叢書矣其成者高已數尺遴選皆善本觀察好古
篤志其刻書也汲汲如不及更得具觀察之志者三五人其
力已足任之客曰子盍誦言之於斯世乎予應之曰唯唯適

觀察以叢書屬序於予爰書與客問答之言於卷端方今古
訓式微彝倫攸斁欲挽此旣倒之狂瀾舍將我先聖先師之
所傳繇之使勿替固無所措手矣經苑之刊是其一端世果
有其人者不僅爲聖教之干城而百年易盡之身亦將因之
以不朽質之觀察以爲何如也丙辰臘月永豐鄉人羅振玉
書于海東寓居之雪堂

適園叢書總目

烏程 張鈞衡輯

第一集

百宋一廬書錄一卷 黃丕烈 用勞季言鈔本

魏書地形志集釋三卷 溫日鑑 拾香草堂稿本

漢石經考異補正二卷 瞿中溶 稿本

敬鄉錄十四卷 元吳師道 文瀾閣傳鈔本

內閣書目八卷 明張萱 持靜齋鈔本

大唐郊祀錄十卷 唐王涇 舊鈔本

祝月隱先生遺集四卷外編二卷 明祝淵 拜經樓鈔校本

古泉山館金石跋四卷 瞿中溶 鈞衡輯本

通志書言卷五
燼宮遺錄二卷

小琅嬛福地校稽瑞樓本

對客燕談一卷

明邵寶

黃丕烈藏舊鈔本

魯春秋一卷

查繼佐附張煌言北征紀略
血原稿本

使臣碧

第二集

千頃堂書目三十二卷

明黃虞稷

十萬卷樓鈔本

第三集

後村題跋十三卷

宋劉克莊

大全集本

後村詩話前集二卷後集二卷續集四卷新集六卷

宋劉

克莊

大全集本

攻媿題跋十卷

宋樓鑰

舊鈔本

國初羣雄事略十二卷

錢謙益

漢唐齋藏鈔本